



10440

白蘇齋集序



高江東峽七百里然後雷瀉東注
于剡岳武黃之間猶之思瀾言泉
停滙膈臆透咽而出名成大聲雖
嘗一聲于黃之夢澤再聲于興國
之甌甑前後相去復窅窅數十年
于是蓄極聚聲于公安之袁氏昆
季而太史公既以明經大魁天下
更自別啓靈竇別主氣格與中郎
小修獨唱互賡陡闢門戶于越舌
應聲世界蓋不必以詞翰蓋名理
不必以名理碍性宗又不必以詞

翰宗理規，上合乎秦漢唐宋而
惟畢運我真用，詣萬情，契真，
生新，祇見情，新來筆，新赴，
不自知其筆之快于言，之快于
情而為詞，翰為名理為性宗種，
頭，提人新情，換人新眼稱。

二

有明自關，大家也。觀此則太史見
地已足，自雄，柰何前借白蘇標其
齋集，豈非以白蘇兩公其心忠其
學禪其人達其官，皆曾翰林而白
無兒蘇躁吻俱足，以况邪，但香山
東坡年各四十四始承司馬團練

之謫而太史即直腸矢口品地自
嚴方官侍從名位日上忽焉隕落
年僅四十有二竟免西公風波地
面然讀其仙宦臺榭鷹隼腥羶及
噉名多局面謀國半嗔心句使得
年到白蘇則溢江赤壁亦應保有
此處此太史生平可得同于白蘇
者乎若曰韻言近白大篇類蘇又
非被人涎沫自闢門戶之意故讀
之者第當呼之曰白蘇齋不當以
白蘇詩文看作白蘇齋集可也

海鹽姚士麟祥叙



白蘇齋類集目錄

一卷古詩類

過黃河

訪陳晦伯先生留飲

題瘦馬卷

送吳尚之太史告歸

題栢溪沈先生墨竹

題司選君寒玉軒卷

白燕篇為元馭閣老

顧仲方画山水歌二首

寒食有感

詠懷效白

壽亭舅贈我宜興瓶茶具酒具喜而作歌

書讀書樂後

詠懷

白蘇齋集

目錄

暮春鄒生邀黃思立諸公游高梁橋即事

曾元和邀飲靈慧寺同諸公賦

送劉都諫謫遼陽

夏日高戶部循卿招飲

二卷古詩類

新正三日雪窻早起

獨坐

對酒

劉都諫致酒一甕賦

夢花


報謁

和東坡戒殺詩遺陳季常韻三首

附東坡戒殺詩

夜展張蠙集

元宵



夏日黃平倩邀飲崇國寺葡萄林同江進之丘
長孺方子公及兩弟分韻得閣字

題馮中允貞壽冊二首

送峨眉僧清源時清源請有檀香佛刺鏤甚精

金人捧劍篇

閣試

駕幸石景山臨觀渾河見水勢洶湧因念黃河

時有衝決面
諭輔臣經理須要得人復

命作詩恭紀

閣試

三卷今體

白蘇齋集

目錄

二

真定道中

題有斐亭

歸興

游百丈泉

偕館中兄弟游東郊即事得東字

題朱兵部竹軒二首
題宮樹春雲卷

送吳體中歸皖城

閻雲館

挽周老師九首

送楊太史使淮便道

省

送周太史使魯便道壽伯母

立春惟長舅無學弟暨王吳兩生同游野寺看

梅四首

是日登寺樓甚幽諸公擬借為社
立春後六日為分歲會後八日為除夕二首

早春獨坐

幽棲二首

携尊江上二首

王憲臯督學滇中歸阻風雪于公安留觴二首

外大父方伯公

孝廉舅惟學

侍御舅惟長

中郎弟進士

小脩弟文學

偶成

有感二首

白蘇齋集

目錄

三

四卷今體

山寺偶題

夜集大人宅閱五弟

時藝

贈毛丈

苦雨二首

食魚笋

寄無念二首

馬上起憶石浦山房

過淇縣同年蔣令邀飲

初晴即事三首

村居

新春索居

齋中獨坐

雨中

幽棲

游二聖禪寺

晴晚編書

源禪遊吳造沉香佛像及諸經歸我岷山二首
陶石簣寄書
結社二聖寺

讀小脩南游稿三首
偶成

桂閣藜收余題壁詩
偶成

北叢
新野道中

保安驛道中
過蘆葉城有感二首

宿古驛
登熱雲山葛仙鍊丹處

飲禹州李氏園
暮雨

渡黃河
高村店大風

白蘇齋集

目錄

四

早菴臨沼道中憶弟
將抵都門

挽同年李檢討四首
別陶編修石簣四首

五卷今體

飲楊刺史園二首
送武陵胡元父令瑞昌

送部少參之蜀二首
聞顏尚寶質卿稱病有

飲顏質卿齋頭同潘去華限韻賦二首

六月三十夜同蕭允升過黃思立齋頭

談禪贈黃太常思立
蕭質善允升

趙御史貞甫
夏日小齋雜興六

過脩竹館贈朱汝修 夜月登樓偶成二首
月下蕭允升顧開雍集小齋二首

冬日齋中即事二首 同黃昭素飲顧升伯齋
晨起 閨人禪誦喜贈二首

讀李洞詩

春日閒居三首

即事

偶得放翁集志喜效語

賦得殘月似新月

黃主客邀送高戶部

雪後出長安門見西山甚近

京察見部自嘲

花下

白蘇齋集

目錄

五

初春和放翁韻二首

即事

雪晨入直

有感戲作

火神廟道士

送朱太史冊封榮藩

顧太史奉命如梁

送李太史齋詔之浙

壽舒翁大行父

送夾山母舅之任二首

送別謝在杭司理東昌二首

五日同鍾樊桐黃慎軒方子公及兩弟飲崇國

寺僧房得家字

壽鄭大司馬

送王以明例貢歸

偶題

同惟長舅讀唐詩

看華嚴經

有感

雪中興惟長舅飲酒

送邵太史冊封唐藩

六卷絕句

鼓吹

翻前意

過黃梁夢三首

銅雀臺

行衛輝村中二首

即事

過鄆城讀公孫大孃弟子舞劍詩有感

發遂平

信陽道中即事六首

白蘇齋集

目錄

六

山中看雲

青石橋二首

三日山行山盡有感

送李吉士予告南歸

送潘柱史謫閩三首

飲小脩所攜惠泉四首

黃梁夢戲題二首

仙人洞二首

萬猿書屋

天均洞

荷花池

兩岸芙蓉

春色滿園

四面琅玕

天香噴道

蟠栢亭

桃花洞

五老峰

滙清亭

長春堤

六言四首

題漁唱晚晴冊四首

見白鬚

死和尚披剃六首

題雙寺画

竹

七卷館閣文類

真正英雄從戰戰兢兢來

刺文章辨體序

性習解

刺文中子序

擬翰林院學士題名記

忠清仁辯

評春秋列國大夫優劣

白蘇齋集

目錄

七一

救荒奇策何如

士先器識而後文藝

八卷館閣文類

乞進講大學

疏

一貫忠恕說

阿河議

擬遼東剿平東夷賜給總督蘄遠都御史誥文

毛穎陳玄四君傳

刺玉海序

皇祖成功文章頌

玉壺冰賦

九卷序類

叙守考績序

李母壽序

鄒翁壽序

江陵涂使君任黃岡序

葛醫序

唐醫序

顧使君考績序

壽封公鄣龍川七袞序

易太孺人八十壽序

十卷序類

戶部侍郎王見峰七袞序

通州吳刺史考績序 賀邑鄒太孺人節壽叙

送夾山母舅之任太原序

牟鎮撫序 壽徐母沈夫人五袞序

白蘇齋集

目錄

八

賀陽曲金令君父母榮封序

嘉祥縣志序 北游稿小序

十一卷誌狀祭文類

金太宜人墓銘 孝廉張廣源墓誌銘

巡撫福建右副都御史傅野司公墓誌銘

明吏部尚書汪公墓誌銘

衡江鄒先生墓誌銘 贈太湖知縣王公墓銘

十二卷誌狀類

封知縣劉公墓誌銘 陳處士墓表

廸功郎南安少尹方先生行狀
外大母趙太夫人行狀

十三卷祭文類

祭鄉姻家汪孺人文
祭外大母趙夫人文

祭鄉金吾妻
祭盛老師文

祭蕭孺人
祭李年伯文

祭兵部尚書張公文
祭龔鴻臚吉亭母舅文

祭王老師母文
祭鄉南阜母夫人文

祭太常少卿趙連城
祭李年伯母文

白蘇齋集

目錄

九

祭王老年伯文
祭葉太師母文

祭原任中堂高老先生夫人文

祭劉封公文

十四卷記類

游西山一
游西山二

游西山三
游西山四

游西山五
戒壇山一

戒壇山二
上方山一

上方山二
上方山三

上方山四

小西天一

小西天二

游九龍池

顯靈宮西閣

顯靈宮栢

三聖菴紀遊

極樂寺紀遊

三忠祠紀遊

錦石灘

岳陽紀行

嘉魚紀遊

大別山

龍湖

江上遊紀

二聖寺遊紀

十五卷箋牘類

白蘇齋集

目錄

十

答梅開府先生

又答

答編脩吳尚之

韻壽亭母舅

答汪提學靜峰

啓王荆石座主時家居

梅開府寄黃鼠

劉都諫

梅開府

陳學博

湯義仍

黃司業毅菴

又答

答陳徽州正甫

李卓吾

又答

又答

梅開府

馮侍郎珍菴

陶編修石簣

又簡

十六卷箋讀類

董章丘

某邑令

大人書

答江長洲綠羅

黃慎軒

梅開府

母舅遜亭先生

母舅壽亭先生

薛大叅青雷

答蕭贊善玄圃

答王衷白太史

徐惟得

白蘇齋集

目錄

十一

王衷白

李宏甫

答陶石簣

答同社

又答

答友人

答駱儀部

答友人

答劉光州

答友人

答趙侍御貞甫

答友人

簡友人

又簡

禩吉亭先生

答姚侍御

答楊負外尚墨

寄三弟

又寄

答陶石簪

答陳提學

十七卷說書類

讀大學八篇

讀論語四十五篇

十八卷說書類

讀中庸二十六篇

十九卷說書類

讀孟子二十六篇

二十卷雜說類

白蘇齋集

目錄

十一

論文上

論文下

論大人小人

論用才

不肖

讀子瞻范增論

論留侯鄼侯踪跡

論謝安矯情

讀淵明傳

儉約

二十一卷雜說類

論隱者異趣共三十一篇

二十二卷雜說類

共八篇

目錄終

白蘇齋類集卷之一

公安袁宗道著

弟 宏道

中道

叅校

古詩類

過黃河

飛蓋霽色新爽氣來青嶂行行見洪河洪河流湯湯
津吏向我言夜雨添新漲一葉凌浩渺沸波濺其上
鼓棹度中流東西迷所向雷車爭碎鉤雪屋互排盪
兒女色如土老夫神猶王自矢管公誠豈憂蔡姬蕩
白蘇齋集 卷之一 一

訪陳晦伯先生晦伯留飲齋中有述

生平嚮大雅遂得窺外屏青嶂排傑閣綠竹淨西軒
烏几羅萬軸鳥跡辨三墳媿予蠹管測睹此搖心魂
眴目宛委洞旋面海若門繾綣日云夕篝燈還細論
兕觥湛綠醕麈尾散玄言把臂須臾間鄙懷雜具陳

題瘦馬卷

此馬從來號駉駉漢庭九逸應難擬蹀躞朝隨廣莫
風連翻夜度虞淵水一自長鳴起渥洼雙瞳如鏡氣
如霞陌上驕嘶逢紫燕溪頭弄影見桃花越塊過都
真可羨縱橫滅沒凌飛電時去黃金燕布空瘦來白
練吳門短檠年躑躅老風塵一朝脊力盡蹇騰土蝕
驄花生黯澹霜欺病骨太稜層十年棄置向沙場伏
櫪壯心殊未央垂頭却憶長楸道咄哉胡不遇孫陽
他時解轡逢知己雕鞍玉勒黃金珥努力猶堪馳萬
里九衢四野任君使

白蘇齋集

卷之一

二

送吳尚之太史謁告歸桐城

與君三載游燕市方內共結煙霞侶清夜焚香禮法
王臨風揮麈談玄理君今拂衣歸皖城伊人遙在江
水濱一片素心向誰吐三車疑義向誰論萬事無如
歸去好有足何妨蹈三島看君匹馬度春明使我心
飛邨郵道

題栢溪沈先生墨竹

栢溪先生二室英手扶雲漢披瑤瓊床頭百斗自浮
湛胸中五車闢縱橫興來和墨掃生絹幅幅宛出淇

園清古色莽蒼風雨豔元氣淋漓鬼神驚殊重一竿
世稀有已覺渭川無千畝瑟瑟霜葉動秋濤冥冥煙
幹蟠蒼虬瞥睹寒氣生兩腋白雲冉冉墮虛曠遙想
盤礴落筆時瀟湘失色神龍走呀嗟沈翁直節似此
君儵儵得意善得神湖州太常非其倫

題司選君寒玉軒卷

噫嘻江陵豈無千樹橘千畦誰何不檀此比素封那
用萬竿脩篁繞前後君言長物無所愛生平愛與此
君反縈沙帶水通三徑斲而畊煙開數畝結實紛綸
白蘇齋集

卷之一

三

啄鳳凰老幹交加篆蚪蚪秋靜寒濤生白日夜永涼
颼散虛牖綠戶腫朧月自過紅塵却掃雲為帚主人
高節干雲霄寒玉青青可與偶只今文昌懸藻鏡共
羨清白豚瓊玖不見江上草堂葱菁間圖書之外復
何有此中應許仲過倘容袁粲相從否

白燕篇為元馭閣老賦

我聞玄鳥產句曲數千年來化為白素質本孕瑤光
星玉姿豈比零陵石雲波日影泛參差酒泉事遠見
應稀不向烏衣國裡來偏宜白玉堂中棲荆花爛爛

蔭脩廳熬火娟始映雙羽輕沾弱絮迎柳風開蕊林
蝶度花雨柳風花雨春未央雕梁網戶任飛翔影寫
瑤池寧異色泥噉珠箔但聞香人間粉黛誰堪匹雅
黃翡翠無顏色簾前拂羽詎相見幕中巧語暫相識
朝朝翻玉砌暮暮度水涯暮度渾如侵月色朝翻疑
是帶霜華霜華月色相凌亂遊絲冉冉迷歸翰豈逐
流鶯媚綺羅宜隨野鶴凌霄漢君不見啁啾叢棘外
無數惟有皓質稱天女高閣曾聞集上真仙禽自合
來縣圃又不見道康堂上喚景怡感卿盛德來相依
白蘇齋集 卷之一 四

古來良禽多擇主肯傍尋常庭戶飛不信主人清比
玉請者雙燕玉為衣

顧仲方画山水歌

良朋投合真有時十載聞名不相知偶爾相逢揚子
宅劇談浪譔忘還期晚合猶矇不相遇傾腸倒腹忘
新故只道長同蘊北遊何意便向江南去君家別業
寇江南枕上青山滴翠嵐密竹繁花迷鳥迹交疏疊
棧到魚潭日高酒醒良賓集翩翩手搦生花筆險韻
押傳詩客和新腔填付歌兒習錫泉酒美海螯肥玉

瓊金盤列繡幃顛狂肯問烏巾落奮擲送教塵尾稀
朝朝暮暮停車馬嬌歌急管催三雅杯放香泉月並
流曲度南樓雲在下人生朝露溼何疑君歸行樂正
及時醉月醉花涎所好聽絲聽肉詎言疲自歌自吟
還自壽身前之名身後酒才絕画絕智亦絕君家名
士誰堪偶江南樂事難具陳管領金谷須高人曾霸
丹青何足貴終日恢壘纏其身

其二

吾觀仲方画不從諸家入亦復不從十指出直是一

白蘇齋集

卷之一

五

片豪性俠氣結為塊崛以酒澆之不能止忽爾迸散
落樵素偶然濃淡亦山水吾不知溪山之貌仲方仲
方之貌溪山無情有情含裹那可辨復有袁生失足
混其間數日苦熱對公所作寒江流百嶺濃濃化潺
湲心規清冷絕塵滓恰逢投磔始驚還却笑凡手拋
擲胸中活山水湯涎死骨求筋髓縱然逼真君家願
長康抵掌虎頭徒為爾噫吁嘻俗眼賞鑒皆如此不
重真骨重形似

寒食有感

荒村鬼火燒枯樹，照見一片傷心處。古屋直西黑樹
林，暗風淩雨愁殺人。堂上姑堂下婦短命兒，薄命母
新視舊視一處。所老鴟呼風，夜啼虎白日自寒天。自
黑有子為官太，何益泉臺緩急不得力。兒生三十亦
良艱，爾孫相見能傳言。慎勿為兒傷心肝。

詠懷效白

人各有一適，汝性何獨偏。愛閒久愛官，諱譏亦諱錢。
一心持兩端，一身期萬全。願此而失彼，憂愁傷肺肝。
人生朝露促，世福誰能羨。裴相豈不達，疑白方壯年。
白蘇齋集

卷之一

六

北窓高卧人垂老，缺朝飡良無丘壑貴。安有火食仙
陵谷，且難平梯米寧不然。一毛附馬體安問，缺與完
角者奪其齒飛者不能潛。鵬飛不笑鸞夔行，不愛螭
爾莫信爾意兩粥擁衾眠。

壽亭舅贈我宜興瓶茶具酒具一時精美喜而

作歌

吾舅贈我宜興瓶，色如羊肝堅如石。吾家復有古銅
鐺，蓮子枯硬土花赤。茗品長興弟，虎丘釀法蘄州兒。
三白酒苦茶香，是我事從此瓶鐺不虛設。虛堂窈寂

門下捷聽無一技送晨夕讀書覺眉重臨池嫵腕拙
世間百事百不能乍可衡茆甘跼踏雲心齋前一片
地斑駁苔錢紅間碧珊瑚漆几博山爐拂竹捎花巧
排列左置鐺右置瓶大奴燒松根小奴滌窰罌坐愁
湯老手自瀹纒聞酒響涎不禁三杯好顏色七椀生
寒粟清冷頓覺肝腸換磊塊都涎毛孔出劉伶頌酒
不頌若屈生愛醒不愛醒醒醒中間安置我日日挈
鐺與挈瓶况我此間蓬蒿宅徧性畏人稀見客此物
湖海清狂流能改吾短鬚吾癖鐺也老友瓶小友竹
白蘇齋集

卷之一

七

也此君丈也石日與四子相周旋共我山房呼五一
紛紛交態何須數誰似爾我真莫逆

書讀書樂後

龍湖老子手如鐵信手許駁寫不輟縱橫圓轉輕古
人遷也無筆儀無舌一語能寒泉下膽片言堪肉夜
臺骨我自別公苦寐寔况聞病肺那忘却忽有兩僧
破公書乃是手書讀書樂自誇讀書老更強膽氣精
神不可當歌笑無情有真樂問公垂老何飛揚詩既
奇崛字道范石走巖皴格力蒼老骨稜稜精炯炯對

此恍如坐公傍龍湖老子果希有此詩此字應不朽
莫道世無賞音人表也寶之勝瓊玖

詠懷

矯矯陶彭澤飄飄賦歸田六月北窓下五柳衡門前
有中將漉酒有琴樽上絢老死無儲粟扣門語可憐
亦有白居士小司饒俸錢既卜洛中宅常開花下筵
侍兒蠻素妓賓客章劉賢楊枝歌子夜霓裳舞春煙
伊余慕古人冉冉迫中年踟躕忽已久未得一日歡
幸有祖父廬蕪之江郭田雖缺罄伎奉不乏腐儒食
白蘇齋集

卷之一

八

為白非所望為陶諒難堪搗不得兩處將處陶白間
暮春鄉生邀黃思立諸公游高梁橋卽事

柳帶枯晴空寒鏡開清潭長眉三十里波底見行驂
雕弓簇小笠茜衫逐冶男西山如螺髻萬黛滴僧藍
長歌吹細縷酒氣成煙嵐鳧母出窺人菱蒲綠鬢髮
時聞惠連語蒼翠似江南

曾元和邀飲靈慧寺同諸公賦

驟馬出塵海入門聞午鐘捐天樹輪囷委地竹龍鐘
佛衣存古摺僧老帶山容經案列野菽禪板付歌童

西日射飛閣霞泥凌虛空萬井排蜂房九陌喧蚩虫
歸騎踏飛沙耳後生長風

送劉都諫謫遼陽

立志為諍臣萬死應不悔含笑辭白髮結束向遼海
遼海急兵戈山高集犀鎧久與狡倭持戰氣何時解
萬里調客兵餉絕兵饑餒脫巾侮大將易若捕蟲豸
未戰心先携兵驕將復糧百無一堪用可恃復安在
君行好折衝旌節久相待勉矣立功身為國溝壘

夏日高戶部循卿招飲大通橋同黃太常思立

白蘇齋集

卷之一

九

張國博泚閻頊叅知庭堅及舍弟中郎

一望皆林塘孤亭臨水際連轡四五人一揖易巾屣
主人陳尊壘花下趨人吏兩行檀壓酒百巡車行載
長艘潞河來人衣沾草翠潭影見軒窓游魚呷亭宇
敞坐捐煩苛縱談忌忌避水風醒心脾百罰不成醉
舟行窮幽奧目境轉竒邃臨涯逼懸流萬雷擊山墜
對面不聞語但見口開閉冰柱萬條直雪巖千片碎
側身奔石間趾酸心病悸歸卧北窓下枕邊聞水氣

白蘇齋顛集卷之二

公安袁宗道著

弟 宏道
中道 叅校

古詩類

新正三日雪窓早起

雪窓耀眼明披衣起梳櫛鏡光合雪光光欲透膚革
面紋千百條旁行相虬結白鬚藏鬚中似欲逝剪鐻
近服首烏丸我首何曾黑回念四旬間悲歡幾經歷
愁核埋胸腑年深愁花叢縐紋乃蓓蕾霜毛為枝葉
白蘇齋集

卷之二

一

獨坐

天驅赤白丸遮我東西奔無履亦無足來往何頻煩
坐令六合內咄嗟換寒暄投身水火聚誰能自騰蹇
我生閱新春已歷四十番闌入朱紫叢駑馬隨鵬鷗
寒熱穿骨髓憂畏攻心魂有似魚入網又顛雉居樊
今晨雪雲重昏昏朝鍵門結跏擁敗衲真稱僵卧袁
逵滑呵蕪絕密室誰晤言凍雀撲紙窓饑鼠窺殘樽

呼酒聊取適告樂未須論

對酒

美酒入犀杯微作松栢氣佐之芹與蒿頗有山林意
不用烹猪羊酒清忌肥膩類有三日紅囊無百錢費
不費復不饕養財善養胃都門仕宦者獨有二樂事
第一多美酒第二饒朋輩欲得不思歸呼朋時一醉
劉都諫左遷遠陽別數月矣遠致酒一甕為之

大醉數日

劉君別我久遠餉酒一甕甕大容五石肩夫雙辭痛

白蘇齋集

卷之二

二

清比惠井泉白如雪山漣因憶去年事朝議同衆訟
都諫上封章語意帶譏諷遂向渣陽幕官微名轉重
沙磧驅凍驢賞酒無餘俸佳釀及故人得微減朝饗
連晨開甕飲昏花盡如夢簷曝取殘經指眼逐字誦
斜日射階雪熠熠金沙動

夢花

夢中叢桂開香蔭籠數畝黃粒肥於豆蒼枝大如肘
一笑開清樽折柬邀詩友忽悟客燕城老桂何從有
以手急捫摸驗是真花否頗覺花非花不悟手非手

一夢雜惺迷真妄誰能剖豈惟夜夢花亦有畫生柳
此事寔難知試問逍遙叟

報謁

杜門閒七日頽然忘身世如入山裏山散髮坐青靄
夢中聞馬嘶五內湯火沸青袍冷于鐵羅着膝堅鎧
病馬負癩夫衝泥穿闌闌忙殺坐禪身生憎六摺刺
東坡作戒殺詩遺陳季常余和其韻

念為生身校業為潤生汁變化萬形骸胎卵及化濕
共居佛土中謀生各有得楚痛誰能堪相戒何太急

白蘇齋集

卷之二

三

水珍炮鮭熬陸羞燔鶩鴨俎豆葦賓朋歌吹喧簾幕
以彼徹骨慘博我雙頰未猶恨金盤內肪膏少肥白
運箸風捲雲剝脂汚巾幘可憐橫死視鏡釜啾啾泣
蔬果宜胃腸此味真可缺人羊逋往來循環作主客
塞耳徑所辭清虛道自集

又

饑來喫白粥渴來啜茗汁六時徑行裡鉢盂兩度濕
清齋擁衲眠清福誰消得人命呼吸間年光敲石急
因口造重罪曾不異雞鴨萬錢充一餐金玉燦紗罽

物腹粟粟黃虬脯珊瑚赤剔骨積山高棄脂塗地白
人亦大可怖猛虎而寇憤胎魂能入夢瘦形訴且泣
食經并食典妖筐胡可缺蘓獄受煮人是昔豪華客
五辛六當屏穢吻饑鬼集

又

三日不飲酒無異蝸吐汗一日不食肉有似魚離濕
放箸條已空一飽竟何得口腹我所緩性命彼甚急
渾池笑蚶蠅闇弱欺雞鴨血色蝕刀礎腥煙蒸帷幕
不思味報身鐵網火洞赤一念懺積誓黑業立化白
白蘇齋集

卷之二

四

辟如遇赦囚鉗鍊換寇憤戒刀殞虛空魔王盡哭泣
世典不戒殺竺書縫其袂採毛可薦神烹葵堪邀客
斷殺從此始無令冤垢集

附東坡戒殺詩

我哀籃中蛤閉口謹殘汁又哀網中魚開口吐微
濕剗腸彼交病過分我何得相逢未寒溫相勸此
寢急不見盧懷慎蒸壺似蒸鴨坐客皆忍笑髡然
殺其羣不見王武子每食刀機赤琉璃載蒸豚中
有人乳白盧公信寒陋衰疑得滿憤武子雖豪華

未死神先泣先生萬金璧護此一蟻缺一年如一
夢百歲真過客君無廢此篇嚴詩編杜集

夜展張贛集誤澆酒其上戲作

一生慣落第結愁深貫骨化作怪哉虫鬢髮亂卷帙
毒氣著人胸好懷憂蕭瑟得酒應消糜餘樽解吾戚

元宵

獨倚寒簷看明月月穿凍枝射衣白火彈指天聲叱
叱猛省今夕是元宵六衢今日人如蟻到處筒花吐
金盞三更煙滅游人歸月洗天街淨如水筒花開謝

白蘇齋集

卷之二

五

何匆亟馬上看花人嘆息不知花笑看花人轉眼豪
華也銷歇白蘇居士大耐酸菜盂粥椀坐團團木藥
瓦缸光爛爛不須更買彩燈看

夏日黃平倩邀飲崇國寺葡萄林同江進之立
長孺方子公及兩弟分韻得閣字

數畝葡萄林濃條青若若垂藤如旛幢布葉如帷幕
交萼為寶網綴實成瓔珞蜩蟬遞代響清越鈞天樂
寒泉繞膝流坐久怯衣薄霞外四五朋一笑破纏繳
依岸排繩床科頭垂赤脚語或禪或玄雜之以詼譎

露葵帶雨烹雲芽揀水淪石砌滴琤琤銅鐺鳴霍霍
睇陣分兩會奮不如此搏百罰媿觝小取鉢代杯杓
錦江氣豪宕新都質久弱其餘盡楚人賦性俱脫畧
鄉語雖籬醜動塵珠錯落三伏此中消萬卷束高閣

題馮中允貞壽冊

鬱鬱山上松適與秋風會貞麤冒霜青亭亭直如蓋
黃口鳳凰雛依條鳴噦噦清響激層霄錦羽如飛旆
一自兩天亡淋媛在顛沛從逝豈不苦立孤事為大
睽此藐諸身丐裘繫是賴含血傳遺書文成起光怪
白蘇齋集

卷之二

六

植身銅馬間九域望霽霽風膏朗滅中返危以為泰
丈夫何名能一聞一感慨

又

日夕侍瑤山徘徊銀榜側我見大馮君溫溫玉比德
清心符令顏中懷淨若拭巖象與風夢之子終當協
竹孫有高標鳳雛無短翼母德夫如何孤寧不修飭
如母所關係不獨在一宅育子為名臣功終歸社稷
六如固已榮亨途方始陟

送峨嵋僧清源時源請有檀香佛刻鏤甚精

師從峨眉來往還經紫宿茲山聞竄高幾許到天竺
師行遍天下無乃是神足鍊身入梵宮鏤此旃檀佛

金人捧劍篇

閣試

長安雀鵲逢上已秦主開筵面曲水風送鶯聲雜管
絃柳拂晴煙澹羅綺此時歌舞臨高臺千鐘萬騎紛
徘徊瞥睹金人騰曲水手捉三尺何雄哉神物由來
經百鍊龜文龍藻相凌亂寒光燁奕動流星紫氣縱
橫燥飛電乍看出匣氣干雲莫邪失色風胡驚歛忽
青天風雨豎慘淡白日虬龍噙芙蓉為鏗珊瑚把神

白蘇齋集

卷之二

七

彩陸離照四野令君此際威中原令君此際制西夏
于時秦王氣轉驕戈鏃臨風怒號太原以東無王
氣函關萬里絕鳴鞘英雄轉眄已沉淪阿房只今艸
青青此劍毋乃歸延津靈秘何年出水心噫嘻吾將
攜此清邊塵

駕幸石景山臨觀渾河見水勢洶湧因念黃河

時有衝決面
諭輔臣經理須要得人復

命作詩恭紀

閣試

鸞輿回峪嶺羽騎度巖河仰睇石景山俯瞰桑乾河

桑乾水流何太急狂飈捲浪高千尺浮澌穿石吼風
雷新漲奔崖亂雲日 聖主顧且驚拊髀呼近臣僅
一衣帶水泛濫愁吾人况復河源來天上湯湯百折
徑龍門盤旋九曲銀潢轉澎湃八紘滄海翻頻年徐
邳無安流白日蛟龍走林阜縱有田閭豈足依卽云
疏築那堪久少府徒聞請萬緡天吳時復憂千畝金
簡誰嗣敷土功刳圭應待濟川手微臣稽首頌吾

皇微予今復繼陶唐欲笑秦王稱德水還輕漢武築
宣房坐令蒿萊化禾黍還教沮洳變康莊載德老農

白蘇齋集

卷之二

八

歌擊壤洪河萬里浮榮光

白蘇齋類集卷之三

公安袁宗道著

弟宏道
中道
叅校

今體

真定道中

馮高聊引睇草色上征裾垣斷暮山出沙平江樹踈
清齋甘首菹適意任蘧蔭問我年来興東溪足釣魚
憩有雙亭

空亭堪徙倚一水帶疎林亂石含芳草危橋度遠岑
白蘇齋集

卷之三

一

野垣還竹色淇澳尚泉音豈不懷君子高踪何處尋
歸興

家傍青山曲門當綠水斜長巒通畎澮古木間桑麻
吾欲學為稼將無遂及瓜還目歸里日預已惜離家
游百丈泉

青嶂岩堯赴郢東寒泉飛處鬱嵒籠諸天晴灑千林
兩六月涼生萬壑風小入傍崖驚浴鷺斜穿曲澗掛
飛虹片時徙倚翻成惜只合移家老此中

偕館中兄弟游東郊即事得東字

芳艸平原極望空一尊
紺殿與君同千畦醉踏松杉
影萬馬驕嘶首縮風白日
悲歌從似使青春說劍更
誰雄衆星應識高陽侶
咫尺關門紫氣東

題朱兵部竹軒

憐君卜築處脩竹帶長巒
月落千林靜風生萬玉寒
韻清宜在耳色秀悅堪餐
若遇徂徠侶還將六逸看

其二

徵尚依高節何能失此君
秋濤生白日煙幹入高雲
清冷約中意空商坐外聞
會心寧在遠咫尺絕塵氛

白蘇齋集

卷之三

二

題宮樹春雲卷

絳闌連宵迫重樓拂曙通
山嵐霽翠外花氣郁絳中
鳴鳥驕芳樹輕煙散景風
何須臨曲巘幽意足簾櫳
送吳體中歸皖城體中與余有淨土之約故詩

中及之

都門與子別攜手復何時
匹馬從茲去雙魚慰所思
微風動寶樹朗月映花池
此地終同往何當怨遠離

閒雲館

遠在天疑隔憑虛境自到
西山出樹杪南浦落尊前

高枕羲黃上逃名綺皓先凭闌一以眺雲之澹晴川
挽周老師九首

赤馬生前事青編身後名奠楹期已迫曳履忽無聲
海宇摧隆棟詞壇喪主盟闕情寧我輩屑涕徧蒼生
其二

供奉廿平久傳經更草麻生平公望鬱垂老主恩加
國自憐三鑑人誰續五車燕山今夜月荒艸咽清笳
其三

靈氣東南歎平原風雨昏采絃沉寶匣白日黯重閭
白蘇齋集 卷之三 三

駑馬曾回眄明珠豈報恩山陽聞笛處遙夜帳銷魂
其四

天意今難問悠悠可更論青蠅堪自點北斗望逾尊
暮雨淒蒿里秋濤吼墓門吾家湘水曲涕淚續招魂
其五

隨躑工射影宇宙公讐才斗氣三江散風悲萬壑哀
寧能甘蠖屈那肯受鷗猜煜煜餘方寸報恩心未灰
其六

藏舟還此日鳴佩憶前辰神理知難盡音容悅可親

青旻看馭鶴夜雨泣亡麟我輩徒酸鼻誰堪贖此身
其上

萬里南歸路柔條一夕衰陰風生宰樹燐火照孤帷
不盡羊曇淚無窮宋玉悲所嗟梁木壞何止哭吾私
其八

天賜滕公室朝分少府錢東笏俱上客漬酒盡時賢
袞字千秋重溫綸片碣懸階庭雙玉樹霄漢應蟬聯
其九

篋有進賢草家無封禪篇琴書數長物歲月足丹鉛

白蘇齋集

卷之三

四

不朽中郎筆新題有道阡如公堪目瞑何必羨長年

送楊太史使淮便道省母

淮王邸第舊稱雄玉節東來太史公路入吳疆家尚
遠客遊梁苑賦還工雲開層嶺梅花碧雨過千林荔
子紅此日張筵宜壽酒綵衣象服映簾櫳

送周太史使魯便道壽伯母

玉節藏鞋出禁城依依垂柳送君行重裁東魯靈光
賦誰似西京子墨卿採燭昔年傳蠟鳳稱觴此日借
金尊謝家况復多才子青艸池塘舊有名

立春惟長舅無學弟暨王吳兩生同游野寺看
梅三首

古寺逢人少尋香一徑斜
低枝半隱樹深谷易為花
坐久歌頻換尊空酒更賒
窳憐僧愛客隨意供新茶
其二

僧隱孰關裏杯行竹徑中
艸心尚隱綠花蓋未舒紅
近水天難夜高原晚易風
班荆聊共醉車馬莫匆匆
其三

莫惜傾三雅春來第一游
舅甥多雅諳文酒是名流

白蘇齋集

卷之三

五

客有王摩詰人逢願虎頭
東山初吐月酣極轉清幽
是日登寺樓甚幽諸公擬
借為社遂各施貲酒
餘錢付僧葺窓檻并志

無處堪逃俗高樓遠市塵
香雲消永日法雨近諸天
欲借繡經地先分贖酒錢
沉酣那可極長此典安禪
宣春後六日為分歲會後
八日為除夕

柏葉開新會辛盤取次陳
今年春事早杯酒日相親
冉冉如流歲蕭蕭見在身
忍虛分歲約同是去年人

其二

除夕他時節，糝觴此日開。三豎元不問，二仲喜能來。
人惜年光逝，詩逢暮雨催。家園當暎日，幽興轉難裁。
早春獨坐

朝來獨倚欄，尊酒若為歡。春換江頭綠，年催鏡裏丹。
迂踈生事簡，嬾慢見人難。何計消閒晝，蒼筠好自看。

幽棲

高枕非逃世，幽棲自寡營。宦情方朔澹，家累向平輕。
歲月憂何事，漁樵興此生。空亭對酒處，白雪滿江城。

其二

白蘇齋集

卷之三

六

豈是雲霄客，居然江海人。逆惟羊仲過，辟以馬卿貧。
俯仰終何意，踈慵好乞身。已拚閑歲月，毋老故鄉尊。

攜尊江上

鄆外同君去，清尊對水涯。寒潮鳴艸徑，積雪耀平沙。
小艇乘流急，人家逐岸斜。流連歸路晚，高柳亂啼鴉。

其二

一到江湖上，浮生事事輕。寒煙迷古渡，白浪捲荒城。
兩岸花爭發，中流鳥不驚。扁舟如可問，一任五湖行。

王憲臯督學滇中歸阻風雪于公安留觴二首

此日成僵卧何期見子猷
牂牁萬里到駟馬一尊留
小邑饒村釀長江苔石尤
無嗟鄉路遠五日到黃州
其二

竄愛新年雪能留竟日鶻
文章化越雋車馬度瀟湘
覽勝稱雞足交游感鴈行
更憐萊子意把酒獨思鄉
南平社六人各一首

外大父方伯公

風神只似壯齡時鶴髮丹
顏古接羅此日南平白社
長當年中土紫薇司燈前
歷厖蠅頭字篋裏翩翩近
白蘇齋集 卷之三 七
體詩江月江花時典賞非
仙非隱使人疑

孝廉舅惟學

少年經術兼詞學中歲空
門又道家服藥前身應許
遜博聞宿世定張華懷中
明月珠堪售望裡神仙路
不賒只恐鳳池須綵筆難
從勾漏問丹砂

侍御舅惟長

懶慢人間惟并夜閒居膝
下似安仁雲霄調外沉冥
容花月尊前感慨身圍學
東陵瓜欲結家通壯渚蕙
堪綉長卿此日遊將倦醉
月吟風幸托隣

中郎弟進士

前年羽獵獻長楊歸去三湘問鴈行作賦麗如袁彦
伯通經精似蔡中郎角巾領袖高陽侶麈尾憑陵俠
少場夢草真堪對小謝種花無那去河陽

小脩弟文學

却憐射虎人難偶祇覺雕蟲技益工白日悲歌燕市
筑青春失意楚人弓隴西不覩稱金友僕射從今避
火攻如此無官窮亦得高名誰復挂欽同

偶成

白蘇齋集

卷之三

八

人間百事違漸老復何依濁酒塵緣誤蒲團戒力微
雕蟲技總懶辨馬學全非更向人天乞前身百衲衣
有感

謬將八苦向人論造物聊蕭不敢言窮鬼昌黎今到
骨痛兒卜夏乍收視梧捲豈識干時調樗櫟難酬養
士恩檢點平生多可恨排愁憾罪仗空門

其二

何緣貧病苦相侵長日拋書卧竹林遂有二毛愁攬
鏡祇因八口重抽簪青山豈得蕪朱綬白髮由來雕

素心未有大丹添歲月不如濁酒任浮沉

白蘇齋集

卷之三

九

白蘇齋類集卷之四

公安袁宗道著

弟 宏道
中道 采枝

今體

山寺偶題

漢時城郭梁時寺日矣風吹秋又春
六代風流煙溟 暝三分舊恨水潏潏
陰陽戲劇程生馬爪齒虛浮泡
似人如此安禪亦剩事只宜高枕對嶙峋

夜集大人宅偕中郎弟閱五弟時藝

白蘇齋集

卷之四

一

良夜借金友高堂對玉觥
元方今老大第五漸時名
蠟鳳當年戲彫蟲此日聲
明經應似我他事莫如兄
又贈毛丈

跳地元驚衆操觚更得名
袁觥今不恨謝尚未如卿
外屬稱昆季中腸勝豚友
生郝郎時過爾相見莫平平

苦雨

時市酒者阻風未歸

風雨復風雨蕭條只暗窓
昏沉真似病壘塊未能降
亦有到齊酒其如隔楚江
出門覘雨色簷滴正淙淙

其二

今春多驟雨委巷絕經過跬步若為去愁心當柰何
歲年防挂玉卑濕畏江河居食都無計年來憂更多
食魚笋

竹笋真如土江魚不論錢百年容我飽萬事讓人先
交態歸方識冰心老自堅兩窓歌綠樹宜醉更宜眠
寄無念

飛錫今初返經年半在吳已無壽者相不厭少年俱
歲月看山盡雲霞見海隅東南名下士一一過逢無

其二

白蘇齋集

卷之四

二

宦苦天涯去言稀賞音相逢談果報同事見悲心
枯峭人難合清羸病易侵空談有長者相對好開襟
馬上起憶石浦山房

此時石浦月應上遠帆樓竹裡羅碁局籬邊費酒籌
幽情落夢境良夜踏荒丘檢點秋來事閑忙可自由
過淇縣同年蔣令邀飲

看竹淇園好况逢地主留人今同蔣翊興欲睽王猷
玉釀青瓷甕金盤紫石榴寒風淒月夜篝火話交遊

初晴即事

晨風吹澹澹，澹日報新晴。盡啓花開戶，全收雨後清。
沉煙留葉几，竹色上楸枰。自識斜川意，虛名總不爭。

其二

綠蘿蕪翠篠，白袷稱烏巾。久濕愁浸骨，新晴喜見人。
天高縱鳥翮，雲薄像魚鱗。微月窳簾幌，移樽就北隣。

其三

竹裏烏皮几，山中白板扉。家貧酒不乏，詩拙貌能肥。
鳥怪人聲去，雲無日氣飛。牆東那用避，名姓本知稀。

村居

白蘇齋集

卷之四

三

日日幽齋裏，錢書只自攤。筋骸謝客便，鄉土定交難。
濕釀苔衣厚，寒收練袷單。悠悠堪自厭，花鳥嘆春殘。

新春索居

春來任索居，青艸上庭除。向日憑烏几，因風檢蠹書。
獨竹常隱竹，遠害欲同樗。無復看花興，空驚髻髮疎。

齋中獨坐

徑句不出戶，春艸閉門深。豈少為歡處，都無向日心。
雲根披遠画，竹韻譜新琴。縱處塵囂向，閒踪未易尋。

雨中

散疑向南軒蕭條晝掩門病嫌風力勁靜愛雨聲喧
饑鶴巡苔徑推扉抵竹藩一尊空自遣無可共清言

幽棲

寂寞非逃世幽棲自寡營心閒家累少才短宦情輕
荻笋荒池出薑芽僻迳生空亭宜對酒白浪出高城
游二聖禪寺

荒城殘寺也相宜水滿池塘花繞籬席池雙柑蕪斗
酒隨身一鉢興軍持黃衣零落前朝勅青葉莓苔幼
婦碑十載高陽酣暘地重采風景異當時

白蘇齋集

卷之四

四

晴晚編書

蓬茅聊葺宅寂寞顛枯禪却掃頭慵擲鈔書手自編
風收雲片薄雨洗月痕鮮靜嘿憐僮僕燒燈夜未眠
源禪遊吳造沉香佛像及諸經歸我眉山

西去當三月南詢是幾程經將千卷去像以衆香成
龕壁中流際摩天疊峭橫往來徑險道何止百餘城

其二

曾聞西蜀境獨有大峩殊雪色何年歲佛光定有無
欬聲當夜激鳥道折雲趨遠覓心初歇應明鑿裡殊

陶石簣寄書

不見士行久音容兩地踈
迢遙千里外珍重八行書
評隲唯山鳥升沉悟沼魚
袖書那忍置一誦一躊躇
結社二聖寺

浮世何多事祇園早息機
定僧驚果落沙鳥觸悅飛
香積初分飯旃檀欲染衣
詩壇無法社此會百年稀
讀小脩南游稿志喜

怪爾新詩好居然下里稀
眉端滄海色江上白雲衣
鼓楫三湘去攜圖五嶽歸
能令名利客一倍宦情微
白蘇齋集

卷之四

五

其二

亦有翻飛興茲遊未可攀
所談客裏路是我夢中山
弱羽經年去孤鱗萬里還
入春佳事少見爾一開顏
其三

調難從自得相馬任羣疑
頗似沉冥者非徒游俠兒
橐裝無錫水竿牘故人詩
吾家二三子如君定白眉
偶成

細鳥語高枝幽齋事事宜
香龕安佛像貝典教妻兒
施食簷禽狎亥譚階樹知
道緣應不淺龐叟是吾師

桂閣黎收余二十年前題壁詩

是否燈前字將無醉後書蒼茫廿載外渣倒斃行餘
色古蒸鑪氣文錢蛙壁魚深慚支遁賞珍重意難虛
偶成

人煙江水江上日生波街巷魚鰕滿門庭鳥雀多
酒中傳佛意筆底困詩魔已自戢毛羽何由畏網羅
北叢

小草真何意前途事事難骨粗妨禮樂性懶怯衣冠
遠志嚴親奪新愁愛弟寬驅馳堪自厭辛苦為微官

白蘇齋集

卷之四

六

新野道中

過襄又百里步步遠親聞不諳塵沙趣焉知仕路非
平原江樹斷野店楚音稀終作一丘土何年此道歸
保安驛道中

此鄉經大侵此路復愁霖怪雀啼村市饑人竄莽林
暝煙連兩脚雲氣起山心薄暮昆陽道行行憂滯淫
過舊葉城有感是時兩弟已行五六日矣三弟

留題荒亭

昔年飛鳥處此日倍酸辛白骨三家市青燐一水濱

異鄉均苦樂兄弟各風塵
淒斷惠連句荒亭墨藩新
其二

佩犢風猶在画龍迹已陳
有情傷暴骨無計起枯鱗
飽食慙官吏停車問寔人
腐儒甘脫粟不敢厭勞薪
宿古驛

兀兀泥途裡饑羸不可支
燈前慰病婦夢裡見亡兒
古驛啼新鬼顏垣走怪鴟
細尋題壁處或有惠連詩
登紫雲山是葛仙鍊丹處

昔歲曾遊此題詩墨尚新
藥壚燒芋栗丹井長荆藎
白蘇齋集

卷之四

七

雞犬馴遊子壺觴費道人
馳驅明日事輶浣客裾塵
飲禹州李氏園

古郡溪山鄙名園花竹樓
麝香眠野州翡翠立晴洲
安得一生醉那能十日留
公榮定誰似是客可銷憂
暮雨

賣却日高睡來踏陌上塵
朔風梁苑草古樹濁河濱
獨作違心語稀逢有韻人
山郵聽雨夜夢裏滯車輪
渡黃河

兩度歸江漢重來渡濁河
塵容三老諳驛路二句過

霜薄天初朗風輕曉色波太行山色近西望碧嵯峨
高村店大風店有淇澳叢竹古蹟

罡風獵獵下征鞍十月嚴霜吹骨寒噴石澌沙猶古
水流蒼滴翠是新竿寒鴉野店楸林黑凍馬荒亭落
葉乾何似山齋閉闕坐南華攤向火爐看

早發臨洛行沙河道中憶兩弟

昏昏寒月夜方深驅馬長亭復短亭十里奔風吹積
礫千秋篝火亂殘星鞭稍漠北煙沙黑夢裡江南果
樹青驛路飄零那可問挑燈何日對原鴿

白蘇齋集

卷之四

八

將抵都門

九年牛馬走強半住江鄉狂態歸仍作學謙久漸忘
對人錯爾汝迎客倒衣裳只合尋鷗伴誰令入鷺行
挽同年李檢討成甫四首

草草來還去人間三十年飛揚心慕俠清峭骨如仙
對酒常扶病逢人愛說禪竹窓寒月夜憶爾淚潺湲

其二

十載貧無病半生狂與痴錢刀負市井衣食困妻兒
每想燈前語猶存扇上詩交情堪白首緣薄負心期

其三

白骨歸新土青山閉舊廬
苔緣題遍壁蟲滿讀殘書
鳳老梧桐死霜寒橘枿踈
佛天疇昔願今日定何如

其四

泉路飄零久人間惆悵深
有兒非滴骨為鬼不灰心
虫鼠知誰豚鷓鷯可寄音
無生君所學忍苦莫悲吟
別陶編修石簣四首

日日青門裡棕鞵任所之
炷香薰定性畫影鍛新詩
世事拋唇角禪功驗髻絲
深隱法忍力一破有情痴
白蘇齋集

卷之四終

九

其二

向說山陰路千巖與萬湍
水中城堞見山頂竈煙寒
抗酒未尖觴湘蓴供水餐
知君遠女色不上浣紗灘

其三

不分陶弘景松風只自聽
異鄉同政法侶帳晨星
賀沼蒲稍綠吼山石孔青
良朋君豈戀同調有原鴛

其四

門外正霜飛何堪送所知
愁腸紫遠水剝面化枯枝
冷澹稀人識清羸好自支
芥針能得幾萬里去師資

白蘇齋顛集卷之五

公安袁宗道著

弟宏道
中道
叅校

今體

飲楊刺史園二首

東城寂僻處，刺史有新廬。近水先生柳，門填長者車。
菊香熏枕簟，酒氣濕圖書。肝膽燈前盡，都忘傾蓋初。

其二

虛堂含夕照，綺席醉良朋。綠酒浮鸚鵡，黃花映罷從。
白蘇齋集

卷之五

一

書圖隨意展，真贋任人評。酒夜論詩罷，深談契佛乘。
送武陵胡元父令瑞昌

憐君為政處，隔水廬山高。白鳥飛嚙牘，青嵐遠映袍。
花風香簿領，蔬圃課叅膏。好學循良去，休嫌撫字勞。
送鄒少叅希彥之蜀

欲重金躔地，應資瑣闥聲。天連巴子國，江盡宕渠城。
蠻府傳新檄，賓人候去旌。葛山遺蹟在，知不媿勳名。
其二

如何當此月，車馬踏噴坑。去楚尚千里，過秦應萬盤。

深山如雪裏古驛出雲端三十金緋貴休嗟蜀道難
聞顏尚寶質卿稱病有感

燕市饒禪客如君意竄真幽閒泉石趣清瘦雪山身
一榻庭生蘚雙趺席聚塵偶稱摩詰病為度被行人
飲顏質卿齋頭限韻賦同潘去華

同調復同官幽齋會二難交情投芥合禮法解衣寬
坐久爐將燼言多杯屢寒明窓披易注直作太玄看

其二

震旦同叅少長安雅聚難因君道眼別令我酒懷寬

白蘇齋集

卷之五

二

匡坐藤蒲靜幽談水月寒好將瞿氏說留付子庸看

六月三十夜同蕭允升過黃思立齋頭

憐君却掃久為我開清尊一見生狂態相酬多謔言
兩涼輕酒力秋逼攪詩魂尚有看蓮釣猶堪續舊論
同黃思立趙貞甫集蕭允升齋中談禪甚快各贈

一詩

黃太常思立

念我同門友為郎家益貧蕭疎愁世鞅磊落後時人
快若甕醜潔添香粉指勻近通無淨理一倍耐風塵

蕭贊善允升

耽奇詞賦古養拙友朋踈每退金華直常繡貝葉書
譚宗時契鳥洗墨畏驚魚更羨東門達延陵故不如
趙御史貞甫

逆興女蕪酒玄談芥與針蘭臺雖作客蒲榻早休心
定裡騎驄馬忙中訪竹林知君無不可那復許升沉
夏日小齋雜興

室小堪容膝冥然斷百思坐看簷日下袒受竹風吹
苔色流書帙花光俯酒卮
仄來中散意未許外人知
白蘇齋集

卷之五

三

其二

盡日掩荆扉高槐蔽夕暉
剗滄蔬米飯寬着稻畦衣
密室香羅爐幽欄藥易肥
不知深谷裏遍盡幾芳菲
其三

窳憐山氣爽徙榻傍窓紗
迳僻能全草簾疎不障花
無痾常伏枕小兒為煎茶
堪後東陵客休官始種瓜
其四

非傲亦非懶幾月簡逢迎
笑語消三伏升沉付五行
兩加蒼蘚色瀉瀉綠筠聲
無端傳巷語清耳賴蟬鳴

其五

空階經急雨蕭爽夜無譁折柬邀王子餐錢與趙家
頽然對木石率爾吐雲霞酪酏不知出高樓生月華

其六

調古知音少行孤起信微青尊澆宿塊黃葉答初稜
事以忘懷簡身因謝客肥由來孰寐寔不是貴知希

過脩竹館贈朱汝脩

名理無女藻君齊高士蹤溫醅餘道氣清瘦帶詩容
烏几竹光映蝠墻薜蘿重開尊坐秋兩相對興偏濃

白蘇齋集

卷之五

四

月夜登樓偶成

涼夜誰堪語登樓憶形親無機瓶共我解事酒隨人
未老灰心客初秋病肺身山南田二頃歸計未全貧

其二

可嘆人間事深杯且自斟噉名多局面謀國半嘆心
露下泣風葉秋高冷夜沾腐儒無處著只合住山林
月下蕭允升頤開雍集小齋賦此

偶集翻成樂幽花晚更妍近窓雲片薄過樹月光全
小築真同隱清酣也近禪莫愁沽酒盡囊內有餐錢

其二

宇宙信空闊方外多友生世情到口厭名障入心輕
月寫風枝影人驚夜雀聲射堂千畝雪乘醉更同行
冬日齋中即事

小迳獨相狎婆娑木數章葉稀隣屋見根老假山蒼
酒濁賢人味衣熏道士裝看經心向倦添火靜薰香
其二

繩床盡日凭疊石對峻嶒愁見叩門客幽如退院僧
花藏尋伴鳥風折宵衣藤衲點人間事踈慵總不能
白蘇齋集

卷之五

五

同王昭素昭質及兩弟夜飲願升伯齋中

換室下簾暖小窓愛月幽沉香粘大白談語躍平頭
花鳥談吳事山川叙蜀游霜光猶可醉道去即宜浮
晨起

竹窓朝受日柴几對維摩怪石僵枯蘚虬松葺老柯
毫冰膠硯薄簷溜入瓶多此地安禪好無煩惱侶過
閨人禪誦甚勤喜贈二首

應是新年福力增六時功課勝山僧每持貝葉詢難
字時向蒲團學小乘一縷天風吹梵唄半輪閨月照

香燈却慙龐叟心情嬾擁袖勦呼不膺

其二

高樓終日禮彌陀天女生來厭綺羅願以幻身酬半偈羞將素額澆長蛾繡襜針腳花還寄誦呪鄉音字欲認自是靈山准姊妹何緣结伴到娑婆

讀李洞詩

才子如君劇苦寒青衫垂老憶長安奇愁醞釀千篇險褊性支吾半世難五字贈僧尤峭拔孤魂吊月應辛酸祇餘身後遺編在世上誰人洗眼看

白鶴齋集

卷之五

六

春日閒居

人間何物度朝昏嬾性新來更厭喧除却跏趺惟飲酒纔聞呵殿便闌門虛窓月上暮松影塵榻僧來印衲痕獨有盆梅嬾窳寞故舒丹葢照清樽

其二

不才敢擬子雲刻索米金門又一年風味漸隨雙鬢減天真猶仗一樽全破冰滴硯晨箋易掃地安單夜坐禪閒洗時瓶烹芥茗故人新寄玉山泉

其三

人海何妨一粒藏身間稍覺畫壺長厭將禮法繩腰
骨且看經鈔澆肺腸画裡身粘蒼壁色夢中視淩白
蓮香春來窠是城西好擬共山僧坐綠楊

即事

小樓朱几供梅檀夜引閨人懺法壇淨似遠公尚剩
髮貧如陶令未休官捨完兒女忙何事典却田園醉
不難檢點近來癡業少不隨人舌浪悲歡

偶得放翁集快讀數日志喜因效其語

模寫事情俱透脫品題花鳥亦清奇儘同元白諸人
白蘇齋集

卷之五

七

趣絕是蘇黃一輩詩老眼方饑逢上味吟脾正渴遇
仙醫明窓手錄將成帙恰似貧兒暴富時

賦得殘月似新月

一鈎曾掛暮霞裡半缺還懸曉霧中醉起忽迷鐘早
晚山行誤認峯西東從他鳥曆支平換耳喜峨眉首
尾同安得人生也似月蒼顏皓首又如童

黃主客邀送高戶部時開筵夷館

仙郎別署飲休辭春冷何堪送所知羸馬凍啼蹂雪
徑饑鳥寒距蹴風枝亥牋細字摹唐帖胡髻尖檀綴

漢條一曲龜茲君莫評也堪翻出渭城詩

雪後出長安門見西山甚近

雪後天街絕點塵西山一秣白於銀雲邊磴道層層
出馬首峰巒疊疊真瑤島分明連絳闕玉龍天鵲貼
青旻却憐徃歲曾遊處十里桃花霞角巾

花下

衰髮蕭蕭不滿梳頭顱四十欲何如風塵眯眼花醫
治名利關心酒破除談畏友朋焚麈尾病休人吏掩
蝠廬虞翻骨體終難媚高枕從他笑拙踈

白蘇齋集

卷之五

八

京察見部自嘲

擁腫顛寒袴何功濫石渠編摩中聖誤候謁坐禪踈
應客雜詆語嗔奴索報書似浮蕪似淺不黜待何如
初春和陸放翁韻

四十方強已厭官催人頭白是長安新詩繁蕪多隨
意夜讀昏花覺損肝嬾向時人爭巧拙久遊畏路耐
鹹酸春來轉憶家園好社鼓村醪日日歡

其二

冷淡何須厭一官烏紗業裡好偷安厭將資級污牙

頰豈有風波入肺肝容枕纔春夢已亂病肱將雪骨
先酸媿無絲竹堪陶寫未怕兒童覺損歡

即事

宦味侵衰詩味長道緣漸熟俗緣輕時淡故紙覓高
士老結同參進麪生輕滌硯塵留墨繡緩添爐火聽
瓶笙熱官棄置酸寒福貧士收來應不爭

雪晨入直

將曙氣陰陰寒侵燭焰沉雲濃禽路澁雪厚象蹤深
足滑全依僕衣單絮束紵人間饒樂事何業化書蟬

白蘇齋集

卷之五

九

有感戲作

咕嗶半生舌本強編摩十載硯心凹賦歸誰假乘風
翼嘆老難煎黏日膠飽食大官真似鼠厭逢俗客欲
稱猫核家澧水知何日擬塞九泥自結菀

火神廟道士

事火道人事翻來水上居鶴窺烹石處魚呷洗丹餘
世業五禽戲家藏八疊書南陵雖有命喫酒自能除

送朱平涵太史冊封榮藩

韜拋銅馬向天涯官柳千條拂使車驛路開尊邀月

石仙源立馬問桃花水平青艸騷人宅山遠朱門帝
子家客裏潘輿誰得似泛觴還採廖平砂

顧升伯太史奉命如梁賦此為別

柳煙靄霧接河梁樹杪分明見太行月上山城征馬
急雨過汴水露荷香贈行古帖來東邸俯酒新詞出
憲王

周府有東書堂法帖又周憲王有自著樂府

此去洞庭秋正好煙波

聲裡說袁郎

送李湘洲太史齋詔之浙

險句臨崑得禪心遇水閒只憑一紙詔踏遍萬重山
白蘇齋集

卷之五

十一

林屋朝乘履松篁夜扣闥定從委宛去載取異書還
壽舒翁大行父也

東魯真儒行南華達士懷無心甘抱甕有手但持杯
杖澱龍潭瀑衣粘靈洞苔仙郎奉紫綉新自日邊來
送夾山母舅之任太原

匹馬穿雲去裝中半道書官貧僮僕慣縣僻送迎疎
掃葉炊紅稻連泉供白魚

太原有白魚泉

登山公事了何處

題村語

其二

身為石室主，間與道人期。判訟虎知法，升堂猿報時。
泉聲寒井邑，山翠染城池。應有西遊草，懷錫得幾詩。
送別謝在杭司理東昌

一笑平原去，高才聊寄棲。閑談皆有韻，得句半無題。
近海觀雲黑，登樓看嶽低。應憐徵稅苦，寬大赦三齊。
其二

萬戶蒼煙裡，孤城綠水隈。郡齋多近艸，獄戶長新苔。
國變懷輓俗，人驚判劍才。公餘尋古蹟，先上魯連臺。
五日同鍾樊桐黃慎軒方子公及兩弟飲崇因

白蘇齋集

卷之五

十一

寺僧房得家字

老僧愛竹石，點綴似山家。密篠梳風冷，流觴逐水斜。
談慵思薤葉，頰醉吐榴花。一縷林煙歇，闍黎供露芽。
壽鄭大司馬

青山歸去為功成，笑看人間利與名。三迳新來稱小
隱，一身舊日是長城。石分甲乙屯雲氣，竹長兒孫學
鳳聲。智似子房身較健，不勞辟穀得長生。

送王以明例貢歸小竹林

白襪着破換青衫，歸去山齋自在眠。醫俗止留千箇

竹買閒先賣一區田
攜妻燒筍旋沽酒
避客澆花自引泉
怪得新詩竒僻甚
苦吟骨削顛枯禪

偶題

看看衰症到頤腮
宿業泥人未擬回
醉裏童顏金炸色
愁來宦味蠟成灰
此心寧與形俱皺
得道何妨老見催
已約寅年歸淨社
蓋頭茅在夾山隈

同惟長舅讀唐詩有感

數卷陳言逐字新
眼前君是賞音人
家家積玉誰知賈
慶慶描龍總忌真
再捨肉黥居易句
重捐金鑄浪白蘇齋集
卷之五
仙身一從馬糞危
言出難洗詩林入骨塵

看華嚴經

檢點頭顱祇自憐
雙輪相逼入顏齡
銷除蝸角千生業
憑仗龍宮半部經
簡事只嫌多髻髮
斷媼先擬絕
章腥六時起坐疏鈔裡
剝啄由他不啓扃

有感

一自辭親返禁株
隨人啼笑到如今
三生白業施功淺
半世烏紗染俗深
往事休污念佛口
新來初歇著書心
朝朝頂禮金容後
一榻跏趺對水沉

雪中共惟長舅氏飲酒

盆梅香裡倒清卮
閒聽群鳥噪凍枝
飽後茶熟真易
策雪中酒戒窠
難持爐心香燼
灰成穴紙尾書
慵筆
任歌共話當年
騎竹事如今雙
鬢各垂絲

送邵芝南太史冊封唐藩

輶輟編摩去行行
入豫疆驅車游宛
洛立馬問韓梁
兩洗沙溪淨風傳
路艸香雲霞添旅
橐花鳥貯吟囊
白水秋澄徹丹山
夜鬱蒼剪桐分帝
子酌醴醉仙郎
泛洵思文泚登臺
憶武鄉民艱今可
問何似昔南陽

白蘇齋集

卷之五

三

